



UNIVERSITÄTS-
BIBLIOTHEK
PADERBORN

Provincia Polonia.

[urn:nbn:de:hbz:466:1-66596](https://nbn-resolving.org/urn:nbn:de:hbz:466:1-66596)

etiam Decanus ipse, homini contumaci sacris interdixit; & ciues ab eo liberos suos omnes ad vnum auocarunt. Ita ille cum suo magistro desertus ab omnibus, cum nostris redijt in gratiam.

PROVINCIA POLONIA.



OCIORVM quos Prouincia Polonia hoc anno habuit, summa fuit circiter trecentorum septuaginta. In Collegio Vilnensi vnde saxaginta. In Cra-couiensi probationis domo triginta nouem. In Professorum domo vnde viginti. totidem in Pultouensi Collegio. In Brunsbergensi vnde triginta. In Posnaniensi totidem. In Iaroslaiensi xxx. in Lublinensi vnus & xx. In Polocensi, & Niesuiziensi seni deni, viginti septem in Calissiensis; duo & xx. in Derpatensi. In Regensi quatuor & xxx. In Sede Leopoliensi quinque. In Gedanensi duo: in Suetia quatuor. Adsciti in Societate m duodequadr aginta, mortui tres.

Colle-

Collegium Vilnense.

Vilna a nostris opera præclare est posita: Octoginta partim heretici, partim schismatici ad Ecclesiam Catholicam redierunt. In his Calvinianus minister, qui in æde nostra cum concionatorem nostrum de hereticarum opinionum inconstantia è superiore loco differentem ad populum audisset, suos errores detestatus est, tanto doloris sensu, ut illo ubertim flente, concio lacrymas tenere non posset. Ex eadem disciplina resipuerunt matronæ nobiles duæ, quarum altera nobilissimi, ac potentis viri vxor, frementibus nequiquam hereticis, imprimisq; eius viro, luce ac palam in æde nostra catholico ritu, sacramenta percepit; & gratias Deo impense agens hymnum Te Deum solemnè symphonia alternis choris decantandum curauit, ingenti gaudio piarum. Iudæi item tres, Tartari duo baptisate abluti sunt. Porro societatis Gymnasium satis frequens est: plurimaq; in eo nobilitas, quæ non magis bonis artibus, quam pijs moribus informatur, & doctrinæ quidem suæ specimen dedit, cum sæpè alias tum vero in funere Alberti Radiulij Ducis Lituani, quod certatim pro se quisq; vario carmine decorarunt. Simul repentinus tanti viri casus appposito dramate deploratus est, cuius dra-

dramati Cardinalis Radiulij Ducis germanus frater, alijq; complures Regni proceres interfuerunt, mista dolori voluptate. Pietas autem discipulorum præcipuè sodalium. B. Virginis maximè illa die declarata est, quo die acerbissima Christi Domini mors anniuersaria cæremonia colitur. Etenim ad Christi monumentũ magnificè à nobis extructum procedentes semel atque iterum in sua terga sauiuerunt, & suo exemplo alios ad simile factum excitarunt. Ex hoc numero in Societatem cooptati sunt quatuor in alias religiosorum hominum familias quinq;. Magna item extat erga nos beneuolentia Catholicorum hominum, etiam Principum. Cardinalis Radiulius, cum huc Cracouia ad funus fratrum se contulisset, iustis fratri persolutis, e vestigio ad nos diuertit, & omisso epulo solenni, multisq; principibus uiris, apud nos cœnauit. Stanislaus autè Radiulius germanus eius frater villã nobis suburbanã cū suo fũdo attribuit ad oblectationẽ, relaxationẽq; nostrorum. Satis constat hanc Villam eam esse in qua villa primum in Lituania initium factum sit lutheranæ sectæ prodendæ. Ita Dei immortalis consilio factum uidetur, ut quod primum in Lituania Lutherana pestis receptaculum fuerat, salubre societatis rus fieret ad pestem illam è Lituania depellendam. Est enim locus natura peramænis, undique

nemoribus cinctus, & quod caput est ab hominum oculis remotus. Nec domi solum nostri rem bene gesserunt, sed etiam foris. Sepe numero in finitima oppida commearunt, oppidanosq; salutaribus præceptis imbuerunt. Præcipuus fructus in Samogitia vrbe præcipua constitit, quæ Vrbs cum à Lutheranò Domino oppressa amplius xx. annos in hæreticorum ditione ac potestate fuisset, morte domini liberata Catholica Ecclesiæ se adiunxit. Dimissi etiam alij per Samogitiæ vicos nostri sacerdotes rem Catholicam non parum adiuuerunt. Confessiones audite sunt plurimorum, qui ante quinquagesimum annum aut etiam nunquam omnino confessi erant de peccatis; complures baptizati; non pueri solum sed etiam adulti, quod sæpe numero cum liberis parentes ad baptismum accederent; Præui etiam mores emendati, superstitiones sublatae, quæ in animis multorum penitus infederant. Persuasum vulgo habebant, mortuorum animos cibis vesci. Proinde præcipuum exequiarum munus erat, mensas eo ciborum genere extruere, quo mortuum cum viueret, maximè delectatum esse constaret. Ex his dapibus vbi aliquid decerptum, ac delibatum erat, à viuis, submensam iactabatur, vt ad mortuum illum de mensa aliquid mitteretur. Cautum etiam est ne rustici (quod facere consueverant), telluri sacra facerent, ne ue lares dome-

sticos colerent, multisq; persuasum, vt aqua
lustrali, cæterisq; eiusmodi rebus ad abigen-
da veneficia, ac fascinationes (quibus ea gens
maximè obnoxia est, vterentur. Ad hæc nonul-
li quorum animi ad schisma Græcorū inclina-
bant erecti, & in fide Catholica confirmati.

Collegium Pultouienſe.

Nobiles ac Principes viri vsq; eo addi-
cti sunt Societati, vt cum ad cætera Re-
ligionis officia, tum vero ad funebres concio-
nes non nisi societatis homines velint adhibe-
re. Complures ab hereticis abducti, vnus à
Turcis. Adoleſcens honeſto loco natus, cū
in Turcarum poteſtatem veniſſet, vi ac minis
adductus deſerto Chriſto, ſe ad Mahometem
aggregarat, Is quinquennio poſt conſcien-
tiæ ſtimulis incitatus Pultouiam profugit;
ibi à noſtris inſtitutus Mahometis ſectam in
q̄de noſtra magna doloris teſtificatione eſt de-
teſtatus, maxima hominum frequentia, &
Antitiſtibus aliquot præſentibus. Bathoreus
Cardinalis pro ſua erga ſocietatem beneuolen-
tia quoties hac iter facit, noſtros interuiſit,
ſeq; puerilis diſciplinæ, qua in hoc Collegio
imbutus eſt, omnibus ſe memorem præbet.
Conuentus prouincialis ſocietatis, cum hic
ageretur & Episcopii, & Regis liberalitate
ſuſtentatus eſt. Vir magna nobilitate atq; au-

R tho-

thoritate Abbas declaratus nō prius munus illud obire voluit, quam apud nos pijs commentationibus se se exerceret. Parthenia, sodalitas multos alijs religiosorum cœnobijs, decem societati Sodales peperit. In his sacerdotem qui cum omnibus huius ciuitatis Antistitibus, tum verò ipsius Episcopo admirationi fuit,

Collegium Posnaniense, & Brunsburgense.

ET Posnaniæ nostrorum opera fructuosa pijs pariter atq; impijs fuit. In Gymnasio satis frequenti adolescentuli ad sexcentos viginti bonis litteris, ac moribus instituti, in his complures nobili genere nati non modo ipsi castè sãcteq; viuunt, sed alios quoq; exēplis, & hortationibus ad parem laudem accendunt. Quatuor libelli, latino sermone duo, totidem Polonico ab vno è nostris contra hæreticos sunt editi, magno Catholica Religionis bono; obiecerant nobis impietatis ministri quæstiones quinquaginta ex mediæ antiquitate depromptas. Quæ omnes Deo bene iuuante, & latino & patrio sermone sunt profligatæ. Ipsi quoque hæretici magnificæ Domus, quam cœnere quingentis florenorum millibus conabantur possessione deiecti,

appo-

apposito catholico licitatore, qui multo plus
 liceretur, ne tam speciosam sedem inter Ca-
 tholicos haberent heretici. Ad auitam re-
 ligionem traducti sunt amplius nonagin-
 ta, in quibus multi magna nobilitate, &
 gratia inter suos; vt iam perpauci proceres
 reliqui sint, qui hereticis studeant. Ex hoc nu-
 mero Anabatista xxij. annum agens, hoc de-
 mum anno rite est baptizatus. Cuius ex hæ-
 retico catholicus abiectio mentis errore; dis-
 solutionem tamen remissionemq; animi reti-
 nuerat. Is graui oppressus morbo, desperata
 à medicis salute, aliquando resipuit. Ex con-
 cepto voto sacrae confessionis, paulo post sa-
 cri olei beneficio valetudinem recuperauit.
 Complures item apud nos pijs commentatio-
 nibus mentes exercuerunt suas; in his sacro-
 rum antistites tres, atq; vnus insignis sacer-
 dos. Auctum etiam hoc anno, & templum
 adificium, & collegium vectigali. Palatinus
 Posnaniensis ad templi absolutionem iussit
 florenos nobis quingentos numerari. idem col-
 legio mille florenos attribuit. Mareschallus
 autem Regni pridie quã moreretur, annum
 vectigal nonagenorum florenorum legauit
 societati.

Socy Brunzburgenses è scholis vberem fru-
 ctum perceperunt. sex in societate nostra,
 quindecim in Cisteriensi familia se se Deo di-
 carunt. Pontificis Nuntius Regem in Sue-

tiam prosequens cum ex Cardinali Bathoreo, Varmieni Episcopo de Societatis collegio cognouisset, homo nostrorum hominum, quod apparet, cupidus, ex itinere nos adiit, ac per humaniter salutauit. Exceptus à nobis appo- sito dramate, et varijs carminibus resalutatus hilarior etiam quam ad nos venerat, ire per- rexit. Ab Hæresi auulsi amplius xxx. in- his consul Ciuitatis vir ut authoritate prin- ceptus, ita Catholicæ Religioni maximè infen- sus, infestusq; . Is cum amplius Quinqua- ginta annos senatum sollicitare, corrumpere quos posset, Ciuitatem perturbare nunquam destitisset, tandem ipse pertinacia destitit, ma- ximo ciuium bono, & scilicet suo.

Collegium Iaroslaiense.

ET hic fructuosus nostrorum labor extitit. Triginta partim hæretici, partim schis- matici ad Catholicam Ecclesiam se receperunt. Cõ- plures istiusmodi rerum ancipites dubitationes abiecerunt. In oppido finitimo Hæreticorum Mini- stri, cum ad se iri viderent, ut certamen defugerent turpissimè è nostrorum conspectu se proripuerunt. Diaconus Schismaticus s stolide ferox, cum capita quædam suorum errorum nobis ad disputandum proponere ausus esset, dein- de cause suæ difensus, ne per vim quidem ad certamen pertrahi potuit. Discipuli per silen-

tiæ

nã terrore dilapsi iam redeundi ad scholas
 initium fecerunt. Ad eos colligendos cele-
 britatemq; Gymnasi Philacangelus Tragi-
 comedia acta maximo apparatu. quippe Ar-
 menij mercatores, qui per id tempus huc ad
 mercatum venerant, benignè nobis quæcūq;
 opus erant, commodarunt. Magistrorum
 diligentia, discipulorumq; progressus impu-
 lit complures hereticos, vt liberos suos à
 suorum scholis auocatos in nostram trade-
 rent disciplinam. cætus B. Virginis & nume-
 ro & pietatis laude floret in dies magis. Om-
 nes vulgo corrogata stipe egros iuuare, pau-
 perum pedes abluerè, ad omnia fermè serui-
 lia ministèria Christi causa descendere consue-
 runt, supplicationibus etiam solennibus se
 flagris grauitè cedunt. Ex his duo Sancti
 Francisci disciplinam amplexi sunt. Virgi-
 nes item complures repudiatis procerum il-
 lecebris Christo se se deuouerunt. Sacerdos è
 nostris ab Episcopo luceoriensi euocatus, con-
 cionibus, & exemplis omnem eius diæcesis
 clerum ad studium pietatis accendit, Catho-
 licos iuuat. Hereticos quatuor (in his vnus
 inter illos Cathechistam, nec indisertum nec
 imperitum) in viam veritatis reduxit. Schis-
 maticos quinque è Russia ad Pontificis Max.
 auctoritatem reuocauit. In his vnus fuit
 genere, litteris, & usu rerum gerendarum
 clarus, cuius auctoritas apud alios multum

R 3 men.

menti existimatur habitura. Episcopus noster cum alijs rebus tum crebris muneribus suam in nos benevolentiam testatam esse voluit. Dux Ostrogiensis iunior, & si schismaticus, quamdiu in hac vrbe commoratus est, saepe numero collegium nostrum familiariter adiit nostrorumq; hortatu sacrosanctum Christi corpus in solemnibus supplicatione est profectus. Idem & disertissimas nostrorum conciones, & sacrorum apparatus, non sine admiratione laudavit. Templum magno artis miraculo pulcherrimè concameratum est, quod plerique fieri posse non putabant.

Collegium Lublinense, & Callisiense.

Lublini funestus hic annus pestilentia fuit quæ tamen illustravit virtutem, sedulitatemq; nostrorum. Tres ex his qui domi relictæ fuerant ad sublevandam lue laborantem Ciuitatem, morbi contagione absumpti, in his sacerdos vnus, cuius eximiam in agris omni ope atque operam iuuandis caritatem grata omnes memoria, & comemoratione prosequuntur. Postquam abiit pestilentia, nostri qui in salubriorem locum successerant, ad pristina munera redierunt. nec sine fructu laboratum est. circiter xxxv. ab heresi, aut schismate

re discesserunt. In his Anabaptista vnus, in ea secta à paruulo educatus, qui à nostris catholica Religione imbutus ipso die Christo resurgenti sacro, baptismali aqua renatus est. Alter Adolescens à patre hæretico, quod Catholicae religioni studeret, in vinculis & catenis habitus, tandem Lublinum profugit, seq; per nostros adiunxit Ecclesie. Mulier item venefica, concionibus nostrorum permota, relictis malis artibus ad bonam Catholicæ vitæ frugem, se recepit. Cuius honesto loco natus, cum morbo comitiali conflictaretur, sic vt plerunque vicies eoque amplius affligeretur in die; ad extremum sacra confessione apud nostrum sacerdotem peracta, ac voto B. Mariæ Ereftocouiensis (id templum est in exiguo vico miraculis inclytum) aduudæ factò, plane conualuit.

Callisij nostrorum opera quatuor viri, totidem femine repudiatis impijs erroribus, ad Catholicam fidem aggregarunt se se. Vnus è Russia, qui puer abductus à Turcis in seruitutem, execrandis eorum sacris initiatus fuerat, cum ex fuga se huc recepisset, ad Christi signa reuocatus est, Sacrae confessionis beneficio nonnulli à spectris, et terriculis Demonum, alij à morbis insanabilibus liberati. Puella decennis, paralysi affecta brachij vnus, & linguae vsus amiserat. Ad eam sacerdos noster domesticorum accitus venit, quò

R 4 paulis;

paulisper Deum precatus, capiti eius manus
 imponit, sacram aquam aspergit. Repente
 illa salutare Iesu nomen elocuta, eademque
 manu qua modo capta erat, signum crucis
 ducens confessionem instituit peccatorum. Sa-
 cerdos noster Archiepiscopi (qui idem Colle-
 gij nostri author est) inuitatu ad Synodum
 Diocesanam profectus cum alia multa Eccle-
 siastica disciplina salutaria decernenda, tum
 seminarium Clericorum stabiliendum sancien-
 dumq; curauit. Duos Adolescentes nobiles
 Polonum vnum, alterum Ruthenum ab Hæ-
 reticis auertit. Complures item alij per alios a
 prauis opinionibus abstracti. In his adole-
 scens illustri loco natus, qui constanti animo
 parentis hæreticæ querimonias, minasq; con-
 tempfit; eius exemplum alter pari nobilitate
 & euentu secutus est. Duo præterea magna
 nobilitate Catholicam fidem secuti, familias
 quoq; sua authoritate traxerunt. Vir prima-
 rius ex moerore Dæmonū spectris & quasi fu-
 rijs agitatus, cum de sua vita grauius consu-
 leret, sacræ confessionis, & cōmunionis ope
 recuperauit pristinam mentis sanitatem. In
 discipulis quoq; erudiēdis fructus labori res-
 pondit. Addita hoc anno schola moralis Theo-
 logiæ, quam ut principia se dant, sacerdotum
 seminarium fore speramus. Ad Christi se-
 pulchrum sodales B. Mariæ in precibus per-
 noctarunt, idemque postea fecerunt in qua-
 dra-

Araginta horarum supplicatione egregio vir-
tutis, ac pietatis exemplo.

Collegium Polocense, & Niesuiesiense.

Conciones habitæ sunt à Polocensibus so-
cijs domiq; forisq; non minimo fructu.
Schisma deposuerunt decem, Hæresim duo,
vterque vir egregius, alter in ædibus suis tē-
plum ædificaturum se recepit. Scholarum
discipulorumque nostrorum illustravit nomē
Athalia Tragicomædia summa vel actorum
venustate, vel voluptate auditorum acta,
que etiam hæreticis quibus hæc Ciuitas abun-
dat mirifice placuit. Deriuatum est etiam
aliquid operæ in finitimos pagos, atque inde
aliquis fructus relatus. Catholici in fide
confirmati, & ad pietatis officia eruditi.
Hæretici partim mitiores redditi, partim pa-
lam redarguti. Tres ab hæresi totidem à schi-
smate exempti.

Nec minor Niesuiesij fructus. Amplius
viginti à schismate discesserunt, vnus Zwin-
glianus Catechista publice in nostro templo
Zuinglium repudiavit, & Catholicam fidem
complexus est, præsentē Lituaniæ cancellario
qui per eos dies pro sua eximia pietate, singu-
larique in nostrum ordinem voluntate, apud

nes

nos colligendi sui causa diuersabatur. Multæ etiam confessiones auditæ multorum, qui nunquam in omni vita, quamuis iam etate confecti sacramentum confessionis obierant: compluribus desperabundis spes salutis facta. In his vnus fuit, qui cum sua sponte collum laqueo inseruisset; & aliquandiu pependisset, ab alio expeditus est, is presentî interitu exemptus, & ad sacerdotem nostrum adductus diuino beneficio conseruatur. Hæreticus erat summa nobilitate, atq; opulentiâ; cuius familia catholica vbi cognouit, per ferias Paschatis sacerdotem nostrum haud procul ab eo loco sacra mysteria Catholicis impertire tēperare sibi nō potuit, quin etiā inuito, ac prohibente Domino, ad nostrum illū conuolaret. Pagi cuiusdā incolæ Schismaticis assueti vsq; eo societatis nomen horrebant, vt eorū aspectu territi incasas se abderēt, et si nostri ad ianuas accederent per fenestras se se proriperēt. Hi demū nostrorū humanitate deliniti, eos Catechismū docentes audire, confitentibus operam dantes adire non dubitarunt; ita plerique eorum, & Catholica fide imbuti sunt, & sacra confessione expiati. Reperti etiam, qui durissimo anni tempore, altissimaniue, nudis pedibus, ex longinquis locis ad nostrum templum contenderent. Collegij vero conditorem ex Italia reuersum discipuli nostri lepido Dialogo exceperunt, magnūq;
inge-

ingenū specimen dederunt. Eiusdem munificentia templum magnificè extructum est, & argenteo lychno præclare factò decoratum. Itaq; ipso die omnibus sanctis sacro initiatū est, ingenti bonorum gaudio & gratulatione festaque displosione bombardarum, tormentorumque bellicorum.

Collegium Derpatense, & Rigenſe.

DErpati nostris authoribus, complures schisma, decem hæresim repudiarunt; In his haud infimæ sortis mercator è Lioſia qui tam forti excelſoque animo Catholicam fidem propalam professus est, ut eam ob causam paterna domo ab impio fratre prohiberetur. Nec verò hoc ille incommodo demisit animum sed & fratrem ipsum, & Principem huius Ciuitatis Ministrum Lutheranae sectæ ad certamen de religione prouocauit. Catholici quoque magnos in pietate progressus fecerunt. Indicio est, quod hoc anno facile septem millia quingenti diuina mysteria rite sumpserunt. Gotus erat quidem sexagenarius, qui nunquam omnino usus erat sacra confessione, Is graui morbo cum vrgeretur, facile sacerdotis nostri hortatione adductus est, ut aduersus mortem sacramen-

mentis se se muniret. Dictu mirabile, adhibita animæ remedia, etiam corpori fecere medicinam. Ad templi nostri supellectilem civium liberalitate bini calices argentei accesserunt.

Rigensibus socijs ocium hoc anno ab hæreticis fuit. Id adeò euenit diligentia, & beneuolentia erga nos senatus, qui multo honorificentius nos quam suos ministros tractare consuevit. Plebs senatus auctoritatem secuta, & frequens ad ædem nostram conuenire solet, & adeò modestè se gerit, ut ad quietem nihil possit amplius desiderari. Ita sensim ciuitas hæretica assuescit ceremonijs, consuetudiniq; Catholicorum, & simul probos horum mores cum Hæreticorum improbitate conferens paulatim, & his conciliatur, & alienatur à suis. Primus Prætor Ciuitatis quem ipsi Burgrabium uocant, illustre nobis testimonium, multis audientibus dedit, cum ministrorum suorum leuitatem, inscitiam, temulentiam carperet, contraque nostrorum modestiam, doctrinam, sobrietatem amplissimis verbis prædicaret. Quæ res Societatis auctoritatem apud ciues non parum amplificauit: Itaq; nostrorum hortatu tres & xxx ad auitam religionem reuerterunt, ecc. ferme in tanta Catholicorum paucitate ad sacram mensam accesserunt. Plurimi proeclatiam ætatis, qui perpetuo sacra confessione car

uerunt

uerunt, confiteri cœperunt. Aegris duobus desperatę valetudinis sacramenta remedio fuerunt, qui triduo plane conualuerunt. Quadraginta horarum supplicatio, noua his locis res, in nostro templo satis magna frequentia est peracta. Duplex sacerdotis sacrificantis ornatus sericus sacro instrumento adiectus. Primarius Medicus Ciuitatis, tres filios suos vltro nobis in disciplinam tradidit cum diceret, se persuasum habere, eos plus apud nos vno anno, quam trienio apud ebrios suos magistros in litteris profecturos: neque ullis hæreticorum vocibus, negotio destitit. Ea res alijs patribus familias exemplo fuit, ita in dies discipulis augemur. It. m. est ad finitimos rivos, quibus in vicis mira ad Catholicam fidem propensio cernitur. Vulgo impietatis Ministros detestantur; ad nostros verò vbicunque eos adesse cognouerint, vndique conuolant. Catholici mercatores, qui Rigam liuonię emporiũ compendij, quæstusq; causa multum commeant, ad nostram eadem sacramentorum causa ventitare consuerunt. Adiuncta est Rigensi collegio Tyronum domus ex quo numero vnus extitit in proposito inuicta constantia. Is cum ab Hæreticis parentibus sanè opulentis, & per ipsos, & per summę authoritatis viros sollicitaretur, omnium authoritatem, parentum lachrymas, lamenta, minasq; contempsit.

Con-

Contra alteri ad nos venienti mater singulari pietate mulier in digressu cilicium, & flagra donavit, vt his armis sic (enim aiebat) sub Christo militaret,

Cracouiensis Professorum, & Tyronum Domus.

CRacouienses Socij Hereticis circiter septuaginta errores eripuerunt, ex quo numero multi fuerunt illustres & insignes viri, nonnulli suo, alij alieno malo docti. Miles perditæ nequitie, Argentorati Catholicorum templum cum adisset, ligneum inde B. Virginis simulacrum abripuit, quod commilitonibus inspectantibus, ita constituit, vt commode eius ceruices ferire posset. Tum districto gladio ad eos versus, videte, inquit, quæ belle huic amputem caput; verum cum ne tertio quidem ictu abscindere potuisset, irrisus ab illis negotio destitit. Nihilominus Deus matris suæ Violatorem celeriter debita prosecutus est pœna. Eodem ipso die, dum contubernales suos conuenit nefarium facinus prædicaturus, subita morte extinguitur. Aderat eius sodalis, qui vt erat eius consilij conscius, manifesta Dei ultoris ira perterritus, cum ex casu sodalis sui cultum sacris imaginibus tribuendum esse didicisset,

Catho-

Catholicam fidem appetere cœpit. Itaq; sine mora Cracouiam ad nos venit scelus execratur, Catholicis se adiungit. Schismatici quatuor ad communionem piorum reuertunt. Mulier quæ peccatis excecata lumen etiam oculorum amiserat, posteaquam planè statuit confessione animum expiare, recuperauit etiam videndi facultatem. Duæ foemina quærentes aliquod egestati subsidium Dæmoni se se deuouerant; hæ à nostris edoctæ cum Deo in gratiam redierunt. Rusticus metu Domini cultro se ipse transfoderat, quem moribundum conspicatus vnus è nostris, ad facti pœnitentiam sacramq; confessionem adduxit. Hereticus propter egedem factam extremo supplicio afficiendus, nostrorum opera resipuit. & meritam pœnam forti animo luit. Decem meretrices à turpi quæstu abductæ sūt ex his tres in matrimonio collocatæ, reliquæ piorum subsidijs sustentatæ. Anus venefica ad innocentem vitam traducta. Pater cum filio, qui ad Iudeos defecerant ad Christum reuocati.

Nec in Cracouiensi Tyronum Domo cessatum est. Complures Heretici ad auitam fidem adducti. In his duo illustri loco nati, tertius Hæresiarchæ nobilis filius adolescens acri ingenio magnaq; prudentia. Quartus ex hæresi emersus ad societatis nostræ portum confugit. Ruthenus schismate implicatus dum

à nostro concionatore edoctus expedire animum errore cunctatur, in grauem morbum incidit, ita accersito nostro sacerdote, facit eger, quod valens facere differebat. Mulier quæ confessionem procrastinabat tecti ruina, & filij pericula admonita confiteri maturauit. Miles Scyta cum nullius oratione adduci potuisset, vt Christi fidem sequeretur, ad vltimum lethali vulnere affectus à socio, nostri sacerdotis hortatu ad Christum se aggregauit, ac baptismo ablutus, proximo die ad eum euolauit in cælum. Inter multos diu, multumq; disidentes pax composita est. Ad ductus vnus, ut ab inimico, qui grauem sibi iniuriam intulerat, coram multis vltro veniam peteret. Tyronum virtus, & constantia ab amicis, & cognatis non leuiter exercita est. Adolescens post multas, grauesq; cum patribus pugnas, ad Crucis vexillum victor euasit. Alter sollicitatus à suis, ut pium vite institutum desereret, epistola quadam D. Bernardi ad verbum descripta ita respondit, vt eis silentium imponeret, & sibi quietem pararet. Repertus est Nouitius, qui cum alterum iã mensē lāguore corporis, cuius naturalis nulla causa suberat, planè torperet, summa animi contentione magnum laborem subiens mollitiem exiit corporis, et eadem opera languoris authorem Daemonum vicit. Nouitiorum ades cubiculis compluribus adiun-
 Etis

His commodiores sunt redditæ . Sacellum ca-
lice argenteo , sacrisque vel altarium vel sa-
cerdotum vestibus ornatum .

Sedes Leopoliensis .

Leepoli ab hæresi ad Sexaginta , à schisma
te paulo minus quadraginta deducti .
In his Calvinianæ sectæ minister disertus , ac
vehemens in maxima æde Leopoliensi , maxi-
ma nobilissimorum hominum frequentia , de-
posuit errores , non sine metu , lacrymisq; mul-
torum . Alterius Ministri vxor , cum verâ
religionem suscepisset , nullis nec blanditijs,
nec minis , nec plagis viri sui à proposito de-
terreri potuit . Fuit etiam Mulier Ruthena
quæ prædicaret Gregoriana maxima Calenda-
ry ratione , se cum alijs ferme quadraginta
adductam esse , vt ad Romanæ Ecclesiæ au-
thoritatem rediret . In his fuerunt duo Po-
doliæ Duces , Visnouocensis , & Sbarauiensis ,
qui cum alijs rebus tum vero cõdendis Catho-
lico ritu tẽplis religionem suam pietatemq;
declarant . Horum alter sex , alter septem
assecla s hæresi contaminatos ad Catholicam
fidem adduxit . Nonnulli præterea à Iudæis ,
Turcisq; ad Christum aggregati sunt . Se-
ptem Virgines ad colendam Virginitatem
adiutæ , Magistratibus amicissimis vtuntur ;
itemq; præfecto arcis , & scilicet Urbis Præ-
fecto,

S secto,

fecto, qui idem est Palatinus semondiensis.
Is enim cum alijs plurimis nos affecisset bene-
ficijs quinq, florenorum millia se nobis datu-
rum recepit.

PROVINCIA LVGDVNENSIS.



OCIORVM summa fuit ducen-
ti quinquaginta quatuor, Col-
legium Lugdunensis incoluerunt
quinque & quinquaginta,
Turqrense xxv. Billomense,
Auenionense, & Dimonense viceni bini.
quinque, & quadraginta. Dolanum, Cam-
berienſe ſeptemdecim, vno plus Anicienſe,
Domu in probationis Auenionenſem duo de
triginta. Inierunt Societatem nobiſcum
tredecim, abierunt in beatorum, vt ſpera-
mus, ſocietatem ſex. In his duo P. Iocobus
Sileſius, & Gulielmus Santemonchius pro
Catholica religione mortem oppetierunt. De
quorum feliciffimo exitu, Et ſi fama in om-
nes penè regiones perlata eſt, tamen noſtra par-
tes videntur, rem vti geſta eſt exponere, &
ad poſteritatis memoriam literis conſigna-
re. Atq, vt martyribus honor habeatur,
nihil de cæteris huius Prouinciæ rebus at-
tin-